



Broj: 150-16-35-900- 11 /23 MM
Sarajevo, 11.11. 2023. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, 39/14 i 59/22), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine, broj: UV-104-01-1-1425-15/21 od 29.06.2021. godine i broj: UV-122-01-1-2029-11/22 od 28. novembra 2022. godine, člana 13. stav (2) tačka c), člana 43. stav (1) i člana 45. stav (2) Pravilnika o javnim nabavkama, broj UV-122-02-1-829-12/23 od 30.03.2023. godine, guverner Centralne banke Bosne i Hercegovine donosi

O D L U K U

o poništenju postupka javne nabavke robe – isporuka i ugradnja portala za potrebe Centralne banke Bosne i Hercegovine – Glavne jedinice Sarajevo – LOT 2

Član 1.

- (1) Ovom odlukom poništava se postupak javne nabavke robe – isporuka i ugradnja portala za potrebe Centralne banke Bosne i Hercegovine – Glavne jedinice Sarajevo – LOT 2, procijenjene vrijednosti u iznosu od 26.709,00 KM.
- (2) Postupak iz stava (1) ovog člana se poništava jer nijedna od primljenih ponuda nije prihvatljiva.

Član 2.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Centralna banka Bosne i Hercegovine – Glavna jedinica Sarajevo i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova Odluka će se objaviti na web stranici Centralne banke www.cbbh.ba, u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke robe – isporuka i ugradnja portala, putem otvorenog postupka, pokrenut je Odlukom o pokretanju postupka, broj: 150-16-35-900-7/23 MM od 25.08.2023. godine. U skladu s tim, Centralna banka je 04.09.2023. godine na portalu Javnih nabavki objavila Obavještenje o nabavci broj: 1370-1-1-441-3-304/23.

U roku određenom za prijem ponuda, odnosno do 25.09.2023. godine, dostavljena je jedna ponuda za LOT 2 ponuđača:

- MEGA-ROLL d.o.o. Gračanica.

Komisija za javnu nabavku (u daljem tekstu: Komisija) je u prilikom pregleda i ocjene ponuda, konstatovala da nema stručna znanja za utvrđivanje da li pristigla ponuda ispunjava uslove iz tehničke specifikacije, pa je angažovan vanjski stručnjak koji je izvršio pregled i ocjenu tehničke dokumentacije.



Komisija je, nakon pregleda i ocjene ponuda, a na osnovu *Stručnog Izvještaja - analiza pristigle kataloške dokumentacije za postupak javne nabavke roba – isporuka i ugradnja portala prema tehničkoj specifikaciji* vanjskog stručnjaka, utvrdila da dostavljena ponuda ne ispunjava uslove iz tenderske dokumentacije kako slijedi:

Ponuda ponuđača MEGA-ROLL d.o.o. za LOT 2 je nepravilna iz sljedećih razloga:

Dostavljena brošura sistema BAUFENS Platinum 7 komora 8500 Serija. Navedeni profil je PVC profil i ne odgovara traženom profilu istih ili sličnih karakteristika kao u tehničkoj specifikaciji tenderske dokumentacije – i to za stavku rb.1- Schuco AWS/ADS 90 BR FB4 ili ekvivalent te za stavku rb.2 - Feal Termo 65 ili ekvivalent.

Dostavljena tehnička dokumentacija za profil Emerus serije PR65TT. Profil tehničkim karakterisitikama odgovara za stavku predmjera rb.2 gdje je naveden profil Feal Termo 65 ili ekvivalent ali za stavku iz predmjera rb.1 ne odgovara. Za ovu stavku predmjerom predviđen profil Schuco AWS/ADS 90 BR FB4 ili ekvivalent.

U dostavljenoj tehničkoj dokumentaciji nema dokaza o stavci rb.1 iz tehničke dokumentacije. U tehničkoj dokumentaciji tražena balistička fiksna zaštitna stijena u normi EN 1063 BR6 - tipa kao Schuco AWS/ADS 90 BR FB4 ili ekvivalent istom te sigurnosnog stakla POLYGARD Bullet BR-6NS CLIMAPLUS ULTRA 1.1 - Ug vrijednosti 1.1 W/(m2K) po normi EN 1063 BR6.

U dostavljenoj tehničkoj dokumentaciji, nalazi se i ispitivanje stakla i to: "izolaciono staklo sustava: Royal blue 8 mm među prostor 12 mm punjen argonom i unutarne staklo low -e 4 mm". Ovo staklo nije traženo u tehničkoj dokumentaciji i ne može se uzeti kao dokaz za ispunjavanje tehničkih karakteristika traženog proizvoda. U tenderskoj dokumentacija za stavku rb.1 traženo - POLYGARD Bullet BR-6NS CLIMAPLUS ULTRA 1.1 - Ug vrijednosti 1.1 W/(m2K) po normi EN 1063 BR6 dok za stavku rb.2 traženo termopan staklo 4+16+4 STOPSOL CLASIK.

Komisija je u Zapisniku o pregledu i ocjeni ponuda, broj: 149-16-35-1649-9/23 od 09.11.2023. godine i Izvještaju o radu komisije sa preporukom broj: 149-16-35-1649-10/23 od 09.11.2023. godine dala preporuku za donošenje odluke kao u dispozitivu.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru,
- viceguvernerima
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Glavnoj jedinici Sarajevo
- Ponuđačima (original)
- u spis predmeta (original)
- arhiva



GUVERNER
dr. Senad Sofić